庫全書

子部

欽定四庫全書柳覧經史講義卷五

子部

編修臣倉聖脈覆勘

詳校官中書臣潘有為

校對官中書戶陳 覆校官編修臣汪 膽銀監生臣熊寫軒

朲

とこりえ という 回澤上有地臨君子以教思无窮容保民无疆 九疆者 坤也 一相臨少 即寬理史講 石説順也 一臨下也教之无窮者兒 右中允臣未良表

多穴四月全書 長剛中而應釋臨之義者益説而順之道必有至 坤也者地也萬物皆致養馬又曰説萬物者莫説 者以尊適甲也萬物莫不尊天而親地於此可見 健者以主乎其中然後得大亨以正而有合於天 之道此即董仲舒所謂陽常以生育長養為事而 而王者所以崇效而果法者皆取諸此矣繫辭 臣謹按天澤曰履履者以下承上也地澤曰臨臨 澤既說而順臨民之道備矣而象必以剛浸而 **表** 囟

欽定四庫全書 人 即覧經史講義 性情而淪浹乎肌髓并疆盧含以真其居比間族 役乎坤是教之无窮容之无疆皆臨民者必不容 講習厚載之徳品物納於含宏故曰説言乎兑致 陰常積於空虚不用者也夫麗澤之功朋友資以 保者於以見教非徒提命之諄諄容亦不僅度量 已之事乃言教而必係之以思言容而必極之於 相越已也黨库術序所以教民者秦詳而琴書 羽旨載深官之德意以周流而後有以感發其

飲食相流通而其言保民也舉斯心以加諸彼而 子而視之如傷也盆子言聖人之教民曰勞之來 達於家邦訖於四海夫豈有此疆彼界之分與抑 之匡之直之輔之翼之使自得之又從而振德之 勿施必使天下之大九州之遠皆有以安其出作 黨以聯其誼制節謹度以厚其生所欲與聚所惡 人息之常而遂其仰事俯育之願所謂保之如赤 可以知聖人之心思無一息不與斯民之日用

能必有仁復天下之量其積之也至厚而後運之 故必有知人善任之能而後克彈作君作師之職 也不勞此上六所以言敦臨古无咎也中庸言唯 此六五所以言知臨大君之宜也有知周萬物之 天子諸侯無公卿大夫有地者而言也然樹之后 王君公承以大夫師長必統於首出庶物之 又聞之易之言君子者謂君臨上位子愛下民通

欽定四庫全書 人 即見經之購美

天下至聖為能聰明睿智足以有臨此知臨之義

於斯 条此敦臨之義也然則教思无窮容保民无疆非 知之盡仁之至而全乎自强不息之勇者孰能與 也其言徳之積於中而見於外者首之以寬裕温 欽定四庫全書 一种览歷史講義 象曰澤上有地臨君子以教思无窮容保民无疆 道化成之治者也是以首出底物取象於乾厚德 舉萬民之聚登在席敦禮讓臻熙皥之麻而成久 臣謹按帝王撫有寰宇海隅向風四方從欲固将 之深不徒曰保民而曰容保其度量如坤土之大 胡氏炳文曰不徒曰教而曰数思其意思如兌澤 周易 侍講 臣馮東仁

漸也有涵濡之力其氣通其情治聖人觀象於此 其覆而忘其德其象則然矣惟夫地之上澤滴滴 言义者與今夫蒼蒼在上天之臨也終古代明日 地更取義於臨者其於君民相接之誼殆有愷切 **必歸無源不濬言乎茹納也有包育之能言乎** 月之臨也而莫高匪天日月無私照承乎下者蒙 則泰之爻著為養為数易之說也大備而澤上有 載物取勢於坤容民畜衆則師之道昌輔相裁成 積

皇心之脏愚不然一夫不獲時予之辜民未知禮 施出之費子者為曠典而維持調護之能實發於 臨之也故夫言教而復言思者言乎條語訓約之 天子之隐憂言保而復言容者言乎蠲租賬貸之 頒布諸浜汗者為猶淺而委曲開導之意實繫平 懷則無遠弗屆是以莊臨之以威臨之而實以惠 宏且擊馬益九重之上廣遠堂高而人君痼源為 而即以教思无窮容保无疆歸之君子其取義實

欠三四年上二 柳览經史講義

養決髓淪肌重熙累治迄百年必世之遇猶戴恩 所極君實臨之風化之行必由近始夫乃以教以 稼穑以臻仁遂豈不以民猶水也不拯其流将靡 後力田有記學校有式躬履至道以示四方務兹 生其時者承風動歌樂只夏乎尚矣亦越漢唐而 **未生其共将所謂无窮无疆者方諸地澤之義不** 以還凛民惟邦本之古而肇修人紀視民如傷 相逕庭乎二典之訓曰食哉惟時敬敷五数三

P?19 1. 1.19 一川 仰覚經史講義 害而人無流亡恃天聽之必聞知上澤之浸至今 武即其说而参究之已饑已溺即教思之思欲立 肢也遠取諸物如品彙之鑒於兩曜也故時有凶 處九重而應周四表近取諸身如疴癢之關乎四 幾此哉唐陸贄奏疏云君人之道子育為心雖身 剛柔之用誠有若合符節者君人者果何道而能 无疆其容乃大也此而揆於地澤之交陰陽之氣 膏於不替以云数之无窮其思實遂也以云保之

鱼为四月百章 急則上下之氣通地澤之情決於以上召天和而 紹唐虞三代之治也何有 欲達即容保之容夫教人以善謂之忠何以守位 如赤之東方且給求養欲之態態放弊補偏之急 曰仁忠也仁也豈外假之數哉亦惟端本於君心 之常臨而已矣若延皇路昇平士民樂業而保民

Pこうら /ころ 一門 即覧經史清美 象曰澤上有地臨君子以教思无窮容保民无疆 疆也 蔡清曰勞之來之匡之直之輔之翼之使自得之 周易 臣謹按治天下之道不外教與養兩端唐虞尚矣 必使皆樂其樂而利其利可見君子之容保民无 又從而振德之可見君子教思之无窮民吾同胞 編修臣張若需

金牙四周石量 官曰教官教官之屬似專為教設乃觀大司徒之 掌邦教典曰教典職曰教職象曰教象法曰教法 法美意尤莫具於周禮一書問當考之地官司徒 壞三代以來教民之道益詳保民之政益備而良 時百穀所以正德利用厚生者功钦惟歌俾之勿 物以土均之法制地征而後施之以十有二数與 命契為司徒則曰敬敷五教命棄為后稷則曰播 主土地封疆之政以土會辨物生以土宜辨名

於下原人以數邦用司核以均民食下至上化之 成與此之制而且師氏保氏 处於上司諫司 故訓 樂教之和其屬則鄉師至比長有考德行察道藝 法豬會之宜莫不掌之專官施其禁令然後知 既有以淑人心而後可以復民性成周教養之法 月吉讀法之文遂人至鄰長有授田野教稼穑三 之以鄉三物防偽而以五禮教之中防情而以六 八之於民也必先有以盡地利而後可以淑人心

ヨリ 能以自行将有久而以散之勢而一切苟且遷就 爱之具實參錯而並施也方策所載纖悉畢備莫 无窮者繁乎思也保民无疆者實能容也使出身 納萬物於在有矣是故治術多端本於建極教之 非聖人精神智慮之所寄而運量之廣固恢恢乎 後不一以見教不徒行養有無濟而使民相生相 加民之際無至誠愷惻之意與之相永則徒法不 分見於六官而司徒獨備其全雖其條目布置先

之上理也乎 忘帝力於何有者不将軼官禮之隆規而臻勲華 彌於海宇優游漸漬入之最深旁皇周決軍於無 子所不道也然則至治之世德教洽於人心經綸 外象涵濡於兒澤安持載於坤與戴履之倫有幾 之治僅能補救於一隅不克普美利於遐邇皆君

欠三日日 Ling 即觉起史請義


| 'n | Y | | | | | | | | |
|----|---|---|---|--|--|---|--|--|--------|
| | | | | | | | | | 金グロル人で |
| | | | ٠ | | | | | | Ť |
| | | | | | | | | | 卷五 |
| | | | | | | | | | |
| | - | | | | | - | | | |
| | | _ | | | | | | | _ |
| | | | | | | | | | |

欠足日草 主書 門覧經史講義 **象曰澤上有地臨君子以教思无窮容保民无疆** 周易 匹婦之隐而協其性情謀其家室其念之誠也有 臣謹按人主之君臨天下統御寒區非徒雅崇高 本義曰二者皆臨下之事教之无窮者兒也容之 之位擅威福之柄也其精神智慮常關注於匹夫 无疆者坤也 監察御史 臣金溶

金万巨人 且澤取予潤物有漬漸不已之意故教而深之以 至浜者民也天不忍其少有顛連於是有繼天之 遠也蓋天下之至愚者民也天不思其終於愚昧 思地取予載物有含蓄無盡之意故保而深之以 元后以作之君而養與馬而易卦之臨具此義矣 於是生先覺之聖人以作之師而教立馬天下之 上之卦而歎聖帝明王之所以為民計者至深且 加無已其量之宏也無遠弗周故讀易至兌下坤

次之日華全等 門知然此時義 孟子曰聖人治天下使有殺栗如水人殺栗如水 火而民馬有不仁者乎是謀生之不及則雖有黨 容固不徒沾沾於教養之虚名而洵有與澤俱深 庠術序能馴其耳目究不能洽其心思何也志有 先後之分緩急之異不可不察也書曰資富能訓 厚期於上舉不外此教養二事而二事之中又有 與地俱永之實際也但從來上之所施於民民之 分也民生有籍行之勢固不能無所資而立天地

恃其法而法外復有運用有其澤不徒恃其澤而 寡無一不在包含禍覆之中而獲長養生全之慶 世之變遷地勢之廣俠風俗之厚薄氣運之盛衰 此亦事之最難區畫經營者也而聖人於此若有 極紛紜不齊之致欲使天下之疲癃殘疾惸獨鰥 之饑一女不織或受之寒而復有山川之限隔時 不敢畏其難者汲汲皇皇肫肫懇懇有其法不徒 有自然之利亦不能無所待而開一夫不耕或受 卷五 能事畢矣 者王道之成論養於教之先者王道之始養之為 勢難而急教之為數易而緩觀臨之象而致治之 有禮将有相因而漸至者矣是故論教於養之先 户封而親遜自裕俯仰足而揖讓皆與物畜然後 美所謂體仁長人樂天者保天下者此也由是比 利人無遺力不計目前不規小利被潤澤而大豐 澤外更有恩勤竭其心思神其經緯務使地無遺



君子以教思无窮容保民无疆 賤以甲承尊之謂謂其有以教之也謂其有以保 而康人之乃克稱臨民之任益臨者非第以貴取 母必将合天下之身心而陶淑之萃億兆之室家 臣謹按天生民而立之君戴之為元后親之為父 周易 之也唐虞之世九功惟敌九敌惟歌敷教在宽安 侍讀臣周玉章


火定四車全書 用 柳览經史請義

白りら 多而貴有此誨人不倦之心保固期乎澤之渥而 害不生熙熙然太平之盛治與然教不恃乎術之 民之職也以故風民醇茂獄訟東息衣食饒足苗 逮不足自司徒司空而下以至樂正黨正比長扶 師皆司教民之官也載師問師遂人均人皆分保 大備修六禮以節民性明七教以與民德齊八政 民則惠其所以嘉惠元元者深矣三代以來法制 以防淫一道德以同俗養者老以致孝郵狐獨以 卷五

又已口戶上上 一 御覧經史講義 家皆孝弟户盡醇良與吾民日漸月摩淪肌決髓 教思无窮程子所謂至誠無數也任九職定九賦 之道盡矣而君子熟熟懇懇之心無時或已惟願 有其文與賢舉能示之勸觵撻郊遂示之懲教民 大蓋崇四街立四教黨庠術序有其地詩書禮樂 之深不徒曰保民而曰容保民其度量如坤土之 胡氏炳文曰不徒曰教而曰教思其意思如允澤 尤重此怙冒無外之量讀臨卦之象辭而可見矣 十四

金月巨匠 台門 農桑畜牧殖其本山林川澤取其材比問族黨奠 而屬在含生員性者可知一命之士留心利物必 臨天下者之曲成萬物将昆蟲草木且被其光華 其居兵甲車乘捍其患保民之制詳矣而君子民 有所濟若臨天下者之覆冒蒼生雖英裡萬年猶 疆程子所謂廣大無限也夫数人以善謂之忠若 必使一夫無不獲之辜海隅無未徧之澤容保无 胞物與之量擴之彌宏真覺天下一家中國一人

武之臨民率由此道也 講習坤之象曰君子以厚德載物至兒與坤合而 其无窮也甚矣其無疆也兒之象曰君子以朋友 化於羣黎體坤厚之德錫福於兆底克舜禹湯文 享其樂利而當時之飲和食德者更将何如甚矣 以上臨下之象呈馬君子觀其象法兒澤之義字



次足四車全等 一种鬼姓史講義 君子以教思无窮容保民无疆 胞以至鰥寡狐獨皆吾兄弟之顛連而無告必使 **朱子曰二者皆臨下之事教之無窮者兌也容之** 蔡清曰勞之來之匡之直之輔之翼之使自得之 无疆者坤也 又從而振德之此可見君子之教思无窮民吾同 居、易 編修臣孫人龍 大

受人之意不徒曰容民而曰容保民者其度量必 如坤地之大而博厚無遺馬此君子之善體乎臨 皆樂其樂而利其利此可見君子之容保民无疆 之深而真誠罔戰馬地以漸被甚廣為義故有容 也 臣謹按先儒謂澤上有地其象為臨臨下之道不 人之意不徒曰教而曰教思者其意念必如兒澤 教與養兩端而澤以淪浹至深為義故有教導

欠己日· 1.1.5 即覧經史請義 從事於禮樂之際不在其家則在乎库序耳聞 誘民之道甚為行之以動而被於物者治浸之以 哺馬如師之訓導馬而後民之於上也敬之如神 唐劉黃謂宜令慈仁者親之育之如保傅馬如乳 漸而入於人者深故民之生也不用力於南畝則 其應民之意甚精治民之具甚備防民之術甚周 明愛之如父母宋歐陽修亦云唐虞三代之為法 卦之義者也盖當念之百姓者朝廷之亦子也故 E

金好四個百言 風俗美而教化行乃克奏太平盛治於億萬年矣 靡倦廣博深厚所以遂民生者遐邇咸周夫然後 之源與禮讓之化漸漬滔濡所以復民性者初終 奉行故事而已也務在本實心為實政而開衣食 化宣猷凡制田里薄贼敛設學校立師儒匪第曰 者立教與養固惟至誠無息以貫徹於一日萬幾 之中而若地方有民社之責者尤必仰承德意輔 見無非仁義道徳而趨之不知其倦是則臨天下

君子以教思无窮容保民无疆 朱子註曰地臨於澤上臨下也二者皆臨下之事 周易 臣謹按此章地澤之象而聖人擊之以解則以人 教之无窮者兒也容之无疆者坤也 物必其有以使覆載之中無一物不得其所以遂 君之所以教養斯民者為言可以見人君代天理 監察御史臣李清芳

多好四月白電 博深厚其及於物也無不咸亨馬君子體於澤而 為教思則漸民以仁摩民以義節民以禮使皆有 滋潤其被於物也無不發榮馬地之廣而無外溥 可以參三才而立極也何也澤之深而無間浸灌 其生以復其性而躋一世於蕩平正直之休然後 以本俗聚之以荒政使其器用之利而財求之息 心乃安馬體於地而為容保則養之以保息安之 以全其性分之所固有職分之所當為而聖人之

次定四事全書 一 仰覺經史講義 官碩十有二職於萬民使各盡其力之所極無曠 論其極則教深於養民可使由不可使知自新必 惟曰設大學以教國立库序以化邑五禮教之中 馬而容保之實事則惟曰制其田里教之樹畜周 推以新民故敷錫庶民之義必以會極歸極為至 其序則養先於教既富方殼衣食足而後知禮義 土無游民食節事時民咸安其居教思之實事則 百室之盈而婦子之寧而聖人之心乃快馬然論 盛哉 矣夫自謀衣食豈其一一仰給於上惟民生厚豈 至於海陽蒼生莫不托命此聖人所以引為已責 在上者之相為賜然而其職皆在於君者蓋以天 六樂教之和六德六行六藝三物以實與之而已 之大也裁成輔相參贊化育於以君臨萬邦豈不 而樣樣不已之意如澤之深渾渾無涯之化如地 生民而立之君聰明睿智足以有臨則光天之下 卷五 火足马事 白馬 一一 柳览姓史瑞美 六五知臨大君之宜吉象曰大君之宜行中之謂也 周易 程子曰五以柔中順體居尊位而下應於二剛中 於萬事故自任其知者適足為不知唯能取天下 之臣是能倚任於二不勞而治以知臨下者也夫 之善任天下之聰明則無所不周是不自任其知 以一人之身臨乎天下之廣若區區自任豈能周 檢討臣呂熾

金グロガノショ 徳也 之事而大君之宜古之道也 朱子曰以柔居中下應九二不 自用而任人乃知 臣謹按卦之爻解及小象俱未明言任人之義而 剛中之賢得大君之宜成知臨之功蓋由行其中 則其知大矣五順應於九二剛中之賢任之以臨 又曰君臣道合以氣類相求五有中德故能倚任 下乃已以明知臨天下大君之所宜也其言可知

とこのin Airin | 柳覧經史講義 受數施則合天下之聰明皆一已之聰明其為知 中則宅心處事無偏倚之私故能任賢勿貳以成 傅又歸之於行中臣以為此有二義一者君能行 大一人之耳目不敵衆人之聞見唯廣詢博採翁 聽故皆以不自用而任人言之正與中庸舜其大 注易者推求其義則五與二為正應為能虚中以 也大矣此即舜之好問好察邇言隐惡而楊善也 知也與一章意義相合蓋人君之臨天下所溢者 干

多分四月石章 臨天下者莫貴於知故周書曰直聰明作元后元 後 其中於民也程子於後一説似尚未及要而論 甚參差不齊唯斟酌其至當不易者見諸施行則 其知一者人君聴受天下之言其中過與不及亦 則 后作民父母商書則曰視遠惟明聽德惟聰虞書 **籍於眾者斷於獨其權衡仍在君而不在臣大減** 理無不得而無績咸熙此即舜之執其兩端用 曰明四目達四聰此皆與知臨之說相發明者 卷五

章此皆與行中之說相發明者也盖臨上卦為坤 故取藏知之義五爻居中故取行中之義循是而 商書言建中于民周書言率自中無作聰明亂舊 无咎豈非存此大知用中之德加以至誠不息之 勿替馬即謂上六之敦臨謂其敦厚於臨故古而 功故能躋天下於郅隆之治者哉 也而知莫貴於行中虞書言惟精惟一允執厥中 手

多与四月二十 卷五

人之口与 在等一 师觉经火精美 六五知臨大君之宜吉象曰大君之宜行中之謂也 周、易 成知臨之功蓋由行其中德也 程子曰五有中德能倚任剛中之賢得大君之宜 不宜為量故不偏物者自足取用於人古之稱大 臣謹按人臣之知居於一偏以明不明為量故負 長者皆可見功於國人君之知期於得中以宜 監察御史臣周祖祭

金岁日月月三 能行於天下不可謂宜人君行一政而不能允協 於中亦不可謂宜象以行中為大君之宜謂能行 以一人之知運用乎天下之知豈非聰明睿智足 誠以事上於是合天下之知以成一人之知而即 中之治臨卦之六五其猶是乎柔中居尊有六四 以有臨者乎顧所謂宜者何也人君立一政而不 知者莫如舜而惟不自用而取諸人遂成執兩用 以為之相能守正而親賢有九二以為之應能竭

くこうう ノント 町気煙史清義 股肱之寄有心膂之託抬之於委任者見執中之 君道莫先於養民而勸農課桑待人而治莫重於 之於衝鑒者見擇中之精馬及其政之将行也有 教民而議禮正樂得人而與惟知臨之主明於簡 不勞而自致此誠神靈首出左右咸宜者與要之 賢力其政之未行也有咨詢之誠有論辨之典操 中则必虚已任人集衆善以成一是故曰宜也夫 馬以此臨天下所謂教思无窮容保民無疆者 子

多穴四周全書 差何以與此也改曰為政在人取人以身也 皇之極大君為天下得人而天工以亮底績以熙 基命有密能觀乎萬化之源清明在躬克建乎維 凡厥庶民無弗協於中者非在我之權度精切不 中而曰行言其用也如論其體其必係於君心乎

ここりシ ノンラー 即覚理史講義 六五知臨大君之宜吉 所宜也其古可知 之臣是能倚任於二不勞而治以知臨下大君之 程子曰五以柔中順體居尊位而下應於二剛中 未子曰以柔居中下應九二不自用而任人乃知 周易 之事而大君之宜古之道也 給事中臣宫煥文

多好四年全書 其於天下之事與人固皆有相臨之分惟是道濟 主以一身居乎巍巍之上以一心運乎茫茫之中 是宜為君而無不古矣顏必下應九二剛中之臣 道也卦之六五居大君之位主坤之順致兒之説 象之地澤言則為上臨下皆以已臨人之義也君 天下必先知周萬物而知周萬物者如徒恃 乃始稱知臨而為大君之所宜而吉者何哉蓋人 臣謹按臨之取義以及之陰陽言則為剛臨柔以

ここうう 一門題便史清義 睿智而能用天下之心思以為睿智則其睿無不 能用天下之目以為明則其明無不見不自用其 聪明睿智足以有臨者非謂後吾耳目運吾心思 通而其智無不知書稱知人則哲能官人又曰股 肱惟人良臣惟聖詩言蔼蔼王多吉士維君子使 天下之耳以為聰則其聰無不聞不自用其明而 之知以周之未必果周之而不遗也中庸言至聖 以求盡天下之無窮也亦惟不自用其聰而能用

金分口月全章 漢之得蕭曹丙魏昭烈之得諸葛唐世之得房杜 姚宋宋世之得文范富韓歐陽司馬諸賢亦皆知 固皆用賢勿貳而致堂属一德之休三代以後如 再皐陶成湯武丁之得伊傅文武之得周召望散 求賢而逸於任人三代以前若堯之得舜舜之得 之道也知之事也是以自古聖帝哲王莫不勞於 又曰佛時仔有示我顯德行凡皆不自用而任人 人善任而收宫府一體之效此其為大君之宜臨 卷五

臨萬民而萬民以察由是数思无窮天下鼓舞 道合矣君臣道合以之臨百官而百官以治以之 貴明不貴察臣貴正不貴權令按臨之剛中如九 中也夫惟中之所在而知及之因倚任之則君 合於中泉曰大君之宜行中之謂謂其能以知行 也五惟以君之明任臣之正故能上下交字而德 二是臣道之正者也柔中如六五是君道之明者 下之古尤其彰明較著者也當考程子之說曰君 1

金分四周全章 専任之私此又存乎任人之先者矣 蓋亦取下應九二任賢而成交泰之功是知取人 權度精切不差夫然後收公聽並觀之益無偏信 卦自臨而進則為泰泰之六五其占曰以社元古 為大自用則小明良喜起干古為昭要惟在我之 其功豈非亶聰之隆規元后之偉績與抑奏諸他 化而莫測其用容保无疆天下涵濡其德而莫名

ここうこと /. lun 脚覧經史講義 六五知臨大君之宜吉 周易 於萬事故自任其知者適足為不知惟能取天下 之臣是能倚任於二不勞而治以知臨下者也夫 程傳曰五以柔中順體居尊位而下應於二剛中 之善任天下之聰明則無所不問是不自任其知 一人之身臨乎天下之廣若區區自任豈能周 監察御史臣張孝捏

多好四库全書 資於人則不勞而取諸已則有限誠以一人之耳 舜為大知以其不自用而取諸人也蓋天下之 妻必有所不能見聰如師曠必有所不能聞心思 臣 则其知大矣五順應於九二剛中之賢任之以臨 目心思斷不能周乎萬事萬物之廣故雖明如雜 下乃已以明知臨天下大君之所宜也其吉可知 如堯舜必有所不能及苟自恃以為無所不見無 謹按仲虺告湯曰好問則裕自用則小夫子稱 卷五 理

募無為者中材之主而不輕任人者,每多出於,英 抵人君之道有二或端拱無為以希穆清之化而 明賢哲之后蓋其聰明神武本乎天縱其於天下 天下之重而不復任人則勢必勞苦而無功然而 所任非人則政必叢胜而不舉或勵精自治以任 遺於遠萬事萬物之廣所失有不可勝言者矣大 所不聞無所不及則舉其一而廢其百察於適而 之賢才每多否而少可而又其措置之力恢恢有


Ī

多好四屋 台電 攸無於底言無獄無慎而務克知三有宅心灼見 也 能有所為則人主又何利於此是故君者職要者 然大君終日焦勞於上而其下至於熟視而不敢 餘是以不難殺然以自任而不甚責成於其臣子 有所為甚者積習既久恬嬉成風乃至庸懦而不 有所寄非任人不可也若秦始皇之衡石程書隋 三有俊心誠以天職修而上有所承體統立而下 臣者職詳者也職要則莫要於任人昔文王罔 Đ.

者其任人逸以仁育者必以知臨舜有五人武有 十亂唐處三代之隆未有不本乎此者也 周而鮮成大權獨攬於上羣材奔走於下求賢勞 視聴博而靡遺合天下之心思以為心思則計應 日拙何足尚予夫惟合天下之聰明以為聰明則 文帝之衛士傳餐處萬來之尊躬庶司之務勞而

欠至日日 上雪

一 御覧經史講義



Pこりラ 1.4.1 一 即覧程史講義 六五知臨大君之宜吉 朱子曰以柔居中下應九二不自用而任人乃知 中之臣是能倚任于二不勞而治以知臨下大君 程子曰五以桑中順體居尊位而下應于九二剛 周易 之事而大君之宜古之道也 之所宜也其吉可知 監察御史臣陳高翔 Ŧ


多好四届全律 事和揆其所以致此者曰闢四門明四目達四聰 物而在丁親賢親賢斯能偏物矣唐虞之世府修 物而察之其勢有所不能故所謂知者不在于徧 泉大以天下之大萬民之衆必欲事事而理之物 肵 臣謹按居上臨下謂之臨而六五以中德居尊位 明四目達四聰則天下之聰明睿知皆一已之 謂聰明睿知足以有臨者也故有取于知臨之 明睿知斯其足以有臨也雖然自古人君孰不

欠三日日 白新 甲既經史講義 桑順虚中具有知人之德而其所應者乃剛中之 變改觀超走於順有似於恭逸处畏縮有似於謹 謹以不同為和以无私為忠五知而善任之正如 類難以悉數此知人則哲克舜其難也細觀此交 九二表裏如一守正不渝以責難為恭以匪懈為 依違兩可有似於和阿諛逢迎有似於忠諸如此 欲任人而任得其人者往往而少益人不易知知 原不易或行與言違或心與迹異初終殊職常 丰

金ダロガ **堯之知舜舜之知禹皐陶也其吉宜矣故人君欲** 清心寡欲則此中虚明洞達如鑒之照物妍始畢 任人必先知人而知人又非逆億而何察之謂也 現先儒所謂居敬者尤知人任使之本與

欠己可事 上馬 即覧經史滿義 大君之宜行中之謂也 倚任剛中之賢得大君之宜成知臨之功蓋由行 周易 臣謹按周公爻解以知臨為大君之宜而孔子象 傳則以為行中之謂者非知之外別有一中乃欲 其中他也人君之於賢才非道同德合宜能用也 程傳曰君臣道合盖以氣類相水五有中德故能 監察御史臣沈世极 手

金グロ 必於深宫點處之地節階後謹情好無膠於成見 而 令亦恐無以善其天亶之用矣夫中無定體隨時 遲疑則因知而失中豈惟任人鮮當哉凡發政施 者或任其聰明而軼夫軌範或務為精密而轉至 共見而共聞而慎持於宥審之內者獨知而獨覺 歸 以中而成其知也夫以舜之大知猶問察隐揚以 在惟視乎君心之操舍凡衆者於殿廷之間者 於用中是可知非中不足以言知也蓋人之知 1:1 とこりる ここう 乎不宜也即如臨民之務不外教思容保二大端 任人而權衡悉當制事而偏倚悉冺其所行乃無 貴允執中固貫徹於知之内而有以相濟然非誠 無惑乎旁撓鑑空衡平以審夫至善之所在然後 之用一時蒙其利萬世享其福矣夫知為貞固中 地制宜隨時變法斟酌盡善咸協於中而後知臨 而必恢之以容者非以博施濟之鴻名也其間因 乃教而必深之以思者不徒守條教之陳規也保 ■ 即觉經史講義 青



とこつき ここう 以觀天下觀盥而不薦有字顯若下觀而化也觀天 觀盥而不薦有浮闕若彖曰大觀在上順而巽中正 之神道而四時不忒聖人以神道設教而天下服矣 周易 祭而潔手也薦奉酒食以祭也顒然尊敬之貌言 致其潔清而不輕自用則其乎信在中而關然可 朱子曰觀者有以中正示人而為人所仰也盥将 ₩ 即觉經史講義 少詹事臣福十寶 1

金分四月分章 拱九五之上一人垂裳而萬邦作式有不期然而 事制度文為之末一皆大中至正之規夫而後端 所仰矣豈大觀之謂乎故必有順異之徳內馬於 理無所亦外馬於事無所拂自一身以達底政無 臣謹按人主一身天下之觀瞻係馬云為動静不 之所以為觀也 仰也四時不忒天之所以為觀也神道設教聖人 可以不慎也茍君極不立則君道不尊而天下失

とこうを ここう 一 御覧継史講義 神所過者自化天下之人潛移點運順帝之則於 立臣庶兆民之上此時雖有設施不見經營措置 卦辭取義於祭繫之曰盥而不薦有孚顒若是以 不知此其感應之捷夫寧有端倪之可尋乎傳曰 之勞雖有變通不見紛更粉飾之迹将所存者既 未薦之時誠意渾全敬心純潔以精一凝固之神 存誠主敬為大觀之本矣人君果能事事如盥而 然者矣然此宣徒崇尚淡漠無為之治也哉觀之 計

金好四月日 虞舜恭已正南面而天下自治文王不大聲以色 視之而弗見聽之而弗聞體物而不可遺言天之 神道也詩曰不顯惟德百辟其刑之言聖人之設 而萬邦作字胥此物此志也夫 教也大觀物化即謂聖人以神道設教也亦宜昔 卷五

大足口紅人生 一 柳览經史講義 有孚顋岩 周易 之容見於外益總不外一主敬之學也夫觀德雖 臣謹按此承上文言為觀之道如祭者盟而未薦 則其字信在中而顒然可仰也 朱子曰顒然尊敬之貌言致其潔清而不輕自用 之時精誠專一凝而不散乎信之念存於中關然 監察御史臣倪國連 圭

者盥而未薦其心純是一團誠敬聚齊戒之精神 惟一 之仁孝於一心而傻見慎聞凝於裸獻未将之始 為持之以正而不敢有一毫輕率之事就如承祭 為觀之本非徒致謹乎號令文章已也必也惟精 在於民而為觀則在於已若居大觀之位而欲立 此時精意潛孚誠心點契對越感通之微莫過於 日而致爱致慈積於馨香未達之先通萬心 一守之以中而不敢有一毫怠荒之意无思无

J. 10:2 J.1. 者正惟此未漁未散之誠有以凝於內而徵於外 **懾駿奔之衆而精微惻愴罔不祇承其顒然可仰** 足以格如在之神而充滿的者無不散享下足以 象第覺威儀容止之問無不示人以可尊可敬上 程子所謂上下一於恭敬則天地自位萬物自育 本形此意於民物則臨朝淵穆即蟠固天下之原 也夫存此意於廟中則不顯篤恭為昭格神明之 此所謂有孚也由是理積而氣流孚遂并著之於 ■/ 却览經史請義 Ē

多好四届全書 以共仰其建中表正之盛治與有感必應此下觀而化所以莫不動其敬順之心 氣無不和而四靈畢至失大哉觀乎實徳在中

とこりら 八十二 柳覧經史講義 神道設教而天下服矣 期若下觀而化也觀天之神道而四時不忒聖人以 大觀在上順而巽中正以觀天下觀盥而不薦有乎 徳甚大故曰大觀在上下坤而上巽是能順而巽 程子曰五居尊位以陽剛中正之德為下所觀其 也五居中正以巽順中正之德為觀於天下也為 周易 編修臣觀保 芜


差忒則見其神妙聖人見天道之神體神道以設 觀之道嚴敬如始盛之時則下民至誠膽仰而從 懿恭尤本乎巽以制事益巽者德之制也以類天 之上順以宅心如堯舜之温恭克讓文王之榝桑 教故天下莫不服也 化也天道至神故曰神道觀天之運行四時無有 臣謹按人君繼天立極知臨九五之尊首出底物 下之情以通萬物之理所以因時而制宜也顏

多为四届石量

卷五

火足四車全事 柳览經火清義 無聲無臭而日月運行一寒一暑四時代謝於其 道也至盥而不薦有字顒若則以專一之精神發 妙不可測之謂聖聖不可知之謂神則上天之載 而為顒印之容止即建其有極之意也不動而敬 之道以為協中歸正之基所以為觀於人者也王 百度與而溪志應紀網飭而號令明本大中至正 不言而信下觀而化者即歸其有極之意也若夫 異皆自其一身言之天德也自一身以達諸庶政 四十

化而裁之推而行之神而明之點而成之者莫可 **設教宣若後世謬為讖緯機祥之說託為荒遠無** 道設教也哉是以聖人端拱於移清之上湯為平 來不窮變化不居天何言而四時行也此天之神 稽之談且假河圖洛書以實其說曰此聖人之神 道也聖人者居天位備天德心與天合道與天契 凡較幾感物無非體天之妙用故曰聖人以神 中亘古亘今無稍差忒其寂然不動感而遂通往 **大王马声台的** 神道非神奇也即民奏物則日用尋常大中至正 謂誠於此動於彼存者神過者化也然則聖人之 化而莫测其用忘帝力於何有日遷善而不知所 之道也是以大觀在上而天下服也 形容斯天下之人盜泳其德而不知其功鼓舞 一 御覧經史講義



欠己日日 白馬 柳寬經史請義 有孚顒若下觀而化也 周易 精潔誠敬之德顒然可仰則天下有所觀感而化 宋徐氏幾曰下觀而化以四陰觀二陽言謂上有 臣謹按君民之際通乎性情感應之機捷於影響 而萬邦作乎自然之感固如此也 如舜恭已正南面而天下自治文王不大聲以色 監察御史臣馬丙 四十二

金グピルノニ 淵默之東彰於王度闕印之望著於明堂思慮固 參以偽妄之端如圭如璋外之自形其穆皇之象 敬積於一心而德輝暢於四體勿虞勿詐內之不 與萬民之耳目相周風化之原實由於此是故誠 宇志氣神明成與百姓之心思相貫衣冠瞻視常 有易也蓋君天下者首底物而作親垂衣裳而御 上有顯示之模斯下有潛移之效自古迄今未之 不存而緣飾亦所不事矜持固所不作而鎮静

人工口口 八二丁 甲覧經史請義 於山龍藻火之華而時雍風動之休因之以作海 明之者益帝舜以温恭允塞之精心垂旅授班施 足以感之曷克臻此乎故徐氏舉舜與文王以發 積習之染無煩令行禁止而對明王之德宇自隐 民聚而覩馬既共凛乎天顏環而象之因以成為 動其樂善之思其觀而化也非上之有字顯若者 風俗不待申命懸書而瞻聖主之清光自潛消其 亦所不知由是自朝廷以至百官自百官以至萬 早三

金万口屋台電 斯應之其事有必至其幾有必然也帝王表正萬 已馬編氓雖陋能不草面而回心故上之所示下 問里之會歸非欲求媚於天子而觀感之深心難 默名之神勢難遏馬雖在愚民能不聞風而向道 亦其徵也是知深宫之作則非欲要結於斯人而 甘常之化因之而成小懷大畏罔不樂順王風此 恭之至意端拱深居發為臨保肅雖之盛而喬木 陽蒼生罔不欽承帝德此其徵也文王以敬柔懿

| | · | | | | | |
|---|---|------|---|---|------|-----------|
| J. John Lill | | | | , | | 邦之道 |
| 「ここ」 「一」 「一」 「一」 「一」 「一」 「一」 「一」 「一」 「一」 「一 | | | | | | 邦之道其理豈外是哉 |
| 2+27 | | | · | | | |

剑坛四届全章

ここりら ノニラ 一 即覧線史講義 六四觀國之光利用實于王 君以施澤天下故云利用實于王也 程子曰聖明在上則懷抱才德之人皆願進於朝 周易 臣謹按此言觀道之極盛也五以中正之德大觀 廷輔戴之以匡濟天下四既觀見人君之德國家 之治光華盛美所宜實于王朝效其智力上輔於 監察御史臣倪國建 I

多月四月 有書 瞻雲又如成周之時顯為懿德傳為令聞者為雅 明有如唐虞之時敘為典禮敷為文德播為干羽 身而且著之於天下惟四得以仰瞻日月躬親休 文章禮樂蔚為國華其盛德之光輝不特見之 在上而最近者莫如六四一爻所以觀之最切蓋 頌國光之宣昭甚遠而周召畢散諸臣皆得覲光 國光之發越甚隆而禹稷皋變諸佐皆得就日而 斯時在上之本身以出政者謨烈顯冢炳為邦治


章來鳥錫之以禮者敷湛露之深恩而修其方物 美於書械樸青莪所以與歌於雅國家於朝覲之 臣則賓而禮之於草茅之士則賓而與之是以旗 之朝代不數觀占斯及者所以奮然而興幸際盛 以其介主用以對越天威馬則燕笑譽處之餘煌 由朝廷數十百年之培植而成盈廷師濟所以誌 明願依末光以景郅治也然此有才有徳之士原 而揚烈夫明良相遇之日自古為難而聲明文物

欠三日日 · 一一 御覧經史請義

四十六

多分四月月 舉鹿鳴之盛典而進於司徒升於司馬用以委贄 **苯苯萋萋雝雝喈喈惟有苯萋之嘉蔭而因以致** 乎詩曰鳳凰鳴矣于彼高岡梧桐生矣于彼朝陽 獻而其政舉大觀之主在上宣獨六四一爻之幸 彤庭馬則書思對命之際夹乎觀令德之休光 雖暗之和鳴則四之觀光而得與於賓禮也究由 也用賓于王者其利如是上下交而其志同策力 煌乎觀愷樂之龍光也且承筐鼓瑟讌之以樂者

Pこり日 とこう ■ 御覧短史講義 五之中正足以為觀於上而令下觀而化耳 四ナメ



とこうin Aidin 一 柳覧經史講義 觀乎人文以化成天下 周易 謂文猶曰萬物各得其理云爾何以明其然也人 綜底績藻繪人情如成文馬以致其理然則易所 之生也離居不相待則窮羣而無分則争二者天 臣謹按貢之彖解曰文明以止人文也朱子本義 曰以卦德言之止謂各得其分吕温曰文者言錯 編修臣實光雅 四十八

率於性而修於教也首卿曰聖也者盡倫者也王 為正之具耳而曰觀乎人文以化成天下何也道 夫婦婦文之所由成也若然則文在天下亦人自 其朝巍燕饗以止於義也觀予人之有父子而明 也者盡制者也古之聖王觀乎人之有君臣而明 文之所由起也君君臣臣父父子子兄兄弟弟夫 其寢膳問省以止於親也觀乎人之有兄弟而明 下之大患也是故君臣父子之間兄弟夫婦之際

多分口屋台雪

とこうう 1.4.ラ 一一 即気理史講義 羹以飾其愛敬之情為之實主介紹筐篚玉帛以 持虎蛟韅彌龍以師其威為之邊豆樽俎毛魚哉 體為之鐘鼓管聲羽篇干風以節其樂為之寢兒 文章以飾其目為之疏房棧貌越席林第以飾其 心而觀吾化之成矣既而猶慮其未足以厭天下 其親迎合卺以止於别也以為是足以厭天下之 之心而觀吾化之成也則又為之彫琢刻鏤黼黻 其奉几執醬以止於序也觀乎人之有夫婦而明

喾 揆賓四門命九官有虞氏之文也六府孔修庶土 平章百姓協和萬邦陶唐氏之文也被五典致百 則於其粲然者矣蘇轍曰歷觀唐虞至於商周未 飾其交會之即使天下之人得其養而好其別安 交正祇台德先不距朕行夏后氏之文也率民事 之而不倦日用之而不知也故曰欲觀聖王之跡 其身而深思其意至於步驟馳騁方皇周決鼓舞 日而不趨於文也由今考之明俊德親九族

多为四月五十

欽定四庫全書 · 柳览祖史消義 為王道之威其文理當極於是馬耳至於後世文 使古聖王而不用文也則萬物之不得其理久矣 之文也孔子曰周監於二代郁郁乎文哉蓋亦以 且以貢卦論之六五為貢之主以敦本而終吉上 之人文也後人不思飾質以為文而滅質以為文 九居賁之極以返本而無咎此乃所謂文明以止 神先罰後賞商之文也尊禮尚施賞罰用爵列周 久而息節奏久而絕而議者乃以為用文之弊夫 Ŧ

苟合故受之以貢致飾然後亨則盡矣故受之以 之不效而乃歸過於文不亦感乎易曰物不可以 至或盛威儀以求至理驚繁縟而待太平及其用 剥真善言文者哉

欽定四庫全書 門 即覧經史请義 觀乎人文以化成天下 學問主之也虞夏之書渾渾商書瀾瀾周書噩噩 周易 采日熾道義始蝕華藻勝而理義之古微無陋滋 唯時際其盛亦徳極其隆故文遂炳炳麟麟自詞 而爾雅之解解此匪獨文章之病抑亦世道人心 臣謹按一代之文章一代之氣運為之亦一代之 編修臣錢琦 五十

宗元過為詭誕競令損古旁引不經如李長吉之 氣之所成皆数化之所致然則所以障學海之狂 嘔心揚子雲之集字是為怪一則鑽研靈穴墨守 不確尋討以斧淵博麗而不經是為夸一則抉隐 瀾作世教之砥柱者不可不講矣臣總其略大約 人文之弊易犯者六而所以化成之者其要亦有 懼也易之賁曰觀乎人文以化成天下蓋言風 一則艷詞逞辨窮極瑰麗摭拾以快聰明典而

ここうう こう 一下 即覧經史請義 體幅亦家家是為枯夫言以姓心文原載道經史 之旨薈萃百家孔孟之書包涵萬象不必別求奇 貌瘁神傷解不克以達心與殊落落才不足以稱 是為鑿一則審義肥辭繁雜失統連篇累幅神氣 求屬對之工不嫌傳會彌竭琢鏤之巧終失大方 飯糟粕唾餘是為腐一則纖佻乏骨塗澤無神但 不縣未免支離或致重複是為冗一則心狐情懼 **冤園無穢而不切於情拘牽而不達於事土羹塵** 五十二

多好四月全書 學也夫并姓不可語海拘於墟也夏蟲不可語水 篇於時也學者少所見則多所怪矣上下干年級 解事之論也是故貴廣識也夫水畜則盛火宿則 集著紙亦風雨爭飛非枵腹所能辨也是故貴儲 横萬里而後著書匪自成一家之言立説非强作 壯風積則厚氣養則充沛若江河之决屈曲旨流 之作者胸羅星斗笥富縹網以故濡臺則珠璣並 也是故貴正本也夫本固則葉磁源遠則流長古

制必有乖於事理是故貴辨體也至若食古宜化 於東施之顰笑是故貴神解也夫本正則俗說不 之語不可上於明堂非明辨以哲是猶慕規之圓 故贵養無也避若議論之詞不可施於紀事草野 響如宫羽之調短長悉協非一朝一夕之故也是 工獺祭或見唫於優益之衣冠即解蟲鐫且有類 下筆有神與義可以自抒心裁務期獨出不然僅 而規珪之方既無當於體裁泥古之言而違時之

とこうう ハンラ 一一 印覧屋史清義

金好四個分章 盛氣運日隆直與唐處三代比美矣夫非在上者 有以化成之奚以臻此此則聖人用賣之道與 清學博則考証有據識廣則無固陋之失氣充則 無淺薄之虞文有體裁則靡巧之弊草學能神 則模擬之習除由是離離蔚蔚獨商皇皇人文日 解

觀乎人文以化成天下 周易 處於下火之性炎上而莫遏艮居於上山之體時 以歷乎正乃化成天下艮本卦彖辭曰動静不失 臣謹按責之為卦離下艮上離本卦彖解曰重明 立而不遷約離於艮而光輝愈見凝聚節艮於離 其時其道光明是離自離而艮自艮也至賣以離 監察御史臣王顯緒

多好四月全章 常之大綱紀之繁以及禮樂文章之細懸之象魏 荒光被四表歷古聖帝明王所以張弛損益者治 而行藏悉寫中庸離得至善其明不流於浮艮得 美當時功垂後世人文之盛亦各成其化矣而孰 之際而無所易達之山海之遥而無所違聲溢八 至明所止不囿於陋甚矣賣道之大也其文之在 人不可取而觀乎夫天下一人文之區也舉凡倫 不由貢之文明以止者致之哉是故觀貢之明以

次定四車全書 · 即览起之為義 之温肅寒暑日風雷雨其各有節次者與人文之 同者資之艮止之徳之所致也在王者乗時出治 明誼美者貢之離明之徳之所致化成於道一風 之所齊天下甄陶於蕩蕩平平之治則化成於恩 庸之所布天下漸被於熙熙皡皡之風等威度數 經綸天下而典禮敦庸皆煥然不容揜觀貢之止 且未有不法天者天文人文一而二二而一天文 以節丈天下而等威度數皆確然不可越典禮敦 五五

分量無以其王者之化動與天文相合即極之日 各有條理無以異其各有氣候者與人文之各有 之而文成此三說小有異同其於離德明艮德止 月合壁五星聯珠卿雲見甘露降又未始不可以 有分以相守者文之止也何氏档曰一文之一 也胡氏允曰然然有禮以相接者文之明也截然 人文化成為感召孔氏類達曰文明離也以止艮 合明與止以成人文之化者則皆發明精切程傳 止

大乎哉 其禮俗乃聖人用貢之道也是貢之為賣既為聖 曰人文人理之倫序觀人文以教化天下天下成 人推化之則復為聖人與化之驗資之所成詎不

ここりえ

1 即觉经史满美

| | | | | 金灰四月全書 |
|--|--|--|---|--------|
| | | | , | 卷五. |
| | | | | |

又正日tal Antal 阿覧經史講義 上九碩果不食君子得與 莫能容材大而難為用斯不食之義與東漢中 厚齊馮氏曰陽為大故稱碩果 食也 周易 臣謹按碩大也不食者不可得而食之也道大而 王弼曰處卦之終獨全不落故果至於碩而不見 監察御史臣沈懋華 五さ

金分四月百月 追其沒也自華陰函谷關以西河內湯陰以北 告儉與同鄉二十四人別相署號共為部黨則儉 始列八及之首既以鄉人朱並希中常侍侯覽意 赴殆所稱君子德與者耶若夫張儉之為黨魁也 匪特此也郭林宗操人倫之鑒初以有道徵不起 **徴不應土室潛身十有八年兩人可謂不食者已** 屠蟠絕迹芒码之間因樹為屋自同傭人衣悶累 千里負笈荷擔彌路柴車章裝塞塗益有萬數來 长

大三日日 三一 即览程史请義 博名在天壤而昔日之蕩為洪波鼓為烈燄者俱 是時也無論侯寬朱並諸人腐骨已朽即元禮孟 矣黨事解不應徵辟建安初年八十餘當逢之勢 數百家莫不重其名行破家相容此亦得與之象 已成起為衛尉不得已乃闔門懸車不豫世事當 之刻石立墠與小夫刑人争一日之命者不足當 已銷歸何有儉於兹時已非復黨人面目廻視向 又列八俊之首及夫利章捕牒亡命所至連染殆 **季**


事也又非張儉諸人之所敢望也夫 王興周光武復漢上九一交乃伯夷嚴光之所有 終東漢節義之局其斯以為張儉耳矣盡之上九 曰不事王侯高尚其事亦取象於艮止之義然武 映已蓋漢魏之交歸然一老天始留此碩果以 大足四部公野 一 即覧經史請義 反復其道七日來復利有攸往 復 周易 者陰數月為陰臨剛長以陰為戒故言月 鄭氏剛中曰七者陽數日為陽故於陽長言日 月而為復在卦經七爻於時經七月故曰七日來 節齊蔡氏曰陽自建午之月漸消漸剥至建子之 監察御史臣沈懋華 五九

金グセルノニ 復時凡七日王輔嗣宗之曰剥盡至來復經七日 **稽覽圖言卦氣起中孚離坎震兒各主一方其餘** 氣之盡至復卦防來中隔坤之一卦六日七分輔 六十卦一爻主一日每卦得六日七分從剥卦陽 也若從五月言之何得云始盡乎鄭注本於易緯 日程朱說易皆然獨鄭注則曰陽氣始剥盡至來 臣謹按先儒解此卦皆云五月一陰生至十一月 陽生凡七月不言月欲見陽長須速故變文言

飲定四庫全書 人 即見姓火将義 亥至十一月建子為七月皆經七次變更陽氣始 **陰至復之一陽為七交以月數之則自五月建干** 逃之二陰否之三陰觀之四陰剥之五陰坤之六 言七變也云爾以卦數之則自好而逐而否而觀 説謬悠而不可為訓輔嗣宗之非矣夫七日者猶 六月建木七月建申八月建酉九月建戊十月建 而剥而坤而復為七卦以爻數之則自好之一陰 嗣舉成數言故云凡經七日也康成以緯亂經其

之說何據乎抑又論之經多言日罕言月復言日 陽長而數日者喜其長之速也所以扶陽也然則 七日來復當自姤數而不當自剥數也明矣康成 其消之遲也所以抑陰也於復卦則曰七日來復 而姤不言月則姤之為月可知詩云一之日日者 爾聖人於臨卦則曰至於八月陽消而數月者幸 復變月言日亦如幽詩所謂一之日二之日也云 月也不稱月者嬿於无陽也復則亟言日以主乎

| 钦定四庫全書 人 仰觉短史消義 | | | 日其義如此 | 月猶坤之上 |
|-----------------|--|--|-------------|---------------------|
| 仰觉短史满美 | | | У С. | 一六稱龍也重陽 |
| <u>۲</u> | | | | 月猶坤之上六稱龍也重陽而輕陰不稱月而稱 |



次定四車全書 一人 和男祖大病義 心乎 七日來復天行也利有攸往剛長也復其見天地之 復故為七日來復夫姊卦五月也復卦十一月也 觀為剥為坤窮乎上而反乎下歷七爻而一陽旋 臣謹按三卦內震外坤一陽始生於五陰之下與 周易 姤卦相反復姤卦一隂生遞生而上為遯為否為 編修臣朱佩連

秋冬而成一歲歷晦朔弦望而成一月晦朔消息 氣盡於九月之末十月純坤用事隔坤卦六日七 言但引易緯六日七分配一卦之說以為剥卦陽 日二之日謂可變月言日耶孔頡達疏亦以七日 言八月復卦言七日義各有當豈得援幽風一之 相去七月諸儒遂有以七日為七月者抑思臨卦 分而復卦陽來則又未免牽合臣愚以為歷春夏 也弦望虚盈也消息盈虚天行也自朔而上弦自

一次定四車全書 一人 仰觉經火清義 癸凡七日无初有終終則有始無在非七日來復 **蠱之先甲三日為辛後甲三日為丁自辛至丁月** 七日巽之先庚三日為丁後庚三日為癸自丁至 小變之候人性本善遠而三月不違乎仁近而七 日而一變故三月者一歲小變之節七日者一月 七日者矣婦丧其弟勿逐七日得固明言七日即 日來復乎仁天人相應之節候也且易亦尚有言 上弦而望自既望而下弦自下弦而晦大約碛七

皆言天地之情復獨言天地之心天地之心以静 唯伊川主動其實聖人有見於則反為復動含静 悔元吉即利有攸往不已互相發明哉咸恒大壯 往也復以初爻為卦主不遠復即七日來復无祗 中雖未生而已有生物之心所謂仁也動不離静 而息以動而生一動一静互為其根先儒皆主静 為大此為夫為或君子道長往无不利故利有攸 之義利有攸往者剛德方長自下而上為臨為泰

皇上講易見天心點喻乎天命流行之始造化發育之 此意我 義之良心也湯王妹與丕顯成王基命宥察皆得 平旦之氣好惡清明君子所以滋息培養常存仁 静君子所以齊戒掩身以待陰陽之所定也子時 為復在一日則子時為復子月冬至之時閉關安 故能生生不已人身一小天地也在一歳則子月 初生生不已自有與天心相印者非臣管窺所能 一一一 甲電理史其卷 134.0

銀定四庫全書

1 i. ... 復其見天地之心乎 初動仁也 朱子本義積陰之下一陽復生天地生物之心幾 於減息而至此乃復可見在人則為静極而動惡 周易 吳曰慎曰天地以生物為心所謂仁也復之一陽 極而善本心幾息而復見之端也 一一 师觉理之消義 編修臣吳兆雯 È

動玩四库全書 篇耶儒者推明盈虚消長之義有謂不愈聚則不 衰一氣之中自為隔絕則防之復又於何為其雲 發散不肅殺則不長養究之聚散殺養非二心也 見其春夏長育秋冬剥落遂謂陰陽相耦各為盛 大者也陽生物而陰佐之陽之理鬯而陰之理益 不二之謂一不變之謂貞運而莫測之謂神若徒 臣謹按天下有並立之名而無相悖之理陰陽其 以全非形於兩者之不悖惟貞於一者之最神也

) 絕也設陽外别有所謂陰必且錮閉衰落如稿木 然此心寄於何所耶蓋天地之於物獨陽不生獨 生非陽外有陰也陰之盛正陽之蓄非陰見而陽 運略無停待生生不息充滿布獲陽之退即陰之 抵藏馬先天後天自為終始者 我此心耳元氣轉 甚抑何以昭然詢然共見於天地之間乎惟從至 使有二心則天地萬物相悖相害心之不仁也滋 一者求之造化茫茫也樞紐存馬原索芸芸也根 一一 印觉理史满義 江

多定四库全書 原無斷續故陽自見陰亦自見也彼雷之能奮蟲 得不復復者仁也剥亦仁也所以云見也但人所 除不成春而發育陽之施也天地之心之好也夏 之能蠕鳥之能鳴至冬至而雷蟄矣蟲墐矣鳥伏 好生之具又厘其匱之之憂天地安得不剥又安 而長養變化防之極也天地之心之憂也既蓄其 矣如謂無雷無蟲無鳥也則後之砰訇者蚜蚊者 見者為陽之陽所不見者為陽之陰而天地之心

Pこりう / 1.15 | 柳覧線史講義 見而天地之心在見於其所不可見而天地之心 而善因均是心也至此則愈可見耳見於其所可 舉天地萬物實有之理斂而為寂故湛然不動中 然不動感而遂通寂然者陰象也奈何云通惟其 觸之報應未感非本無既感非始有動而能訟静 亦在也第復則見之不復何從而見哉且夫復亦 存為天地根者乎且天地之心猶人心也人心寂 嚶鳴者伊何物耶得天地之氣者猶然况綿綿若 Ŷ

金好四周百章 通乎盈虚消長之大原也 者戰非勝人也自勝馬耳克已復禮自勝之道也 難言矣陰之極也龍斯戰馬然未有不戰而能復 故見舉凡摩蓝絪縕於生生之際者惟聖人為能 天下歸仁心始見也於天地又何疑馬信乎貞於 者之最神非形於两者之不悖惟復故一惟


復其見天地之心乎 周易 見者此復之為卦所以有復見天地之心之說也 是天地固無心以成化而亦若有心馬可約略而 元之為義於德為仁於時為春元大也始也一元 臣謹按乾之彖曰乾元統天坤之彖曰坤元承天 大始而四時樞紐以為消息庶彙根柢以為生成 編修臣储蘇趾

金分四個人看 為坤而十月謂之陽月陽無可盡之理方剥於上 者乾之始也聖人於陽氣根黃之初特重言之曰 復為之主復卦又以初爻為主始者坤之始也復 易上下經六十四卦畫於乾坤始復而四卦又以 天地之心蓋以其主宰謂之帝以其不測謂之神 以大生地以廣生此即其生生之意云爾夫剥畫 以其性情謂之乾以其形氣謂之天天包乎地天 |胚胎於下積之一月而一陽之體始成故稱復

ここうこ こう 一 印定理火馬氏 所從始也元統四德而常存春貫四時而常在證 地之心誠以陽者萬物之所從生而一者萬物之 四冬至子之半天心無改移惟其無改移故灼然 不益信乎蓋所謂復者在子之半推之也部子又 之部子天根月窟間來往三十六官都是春之說 五陰之下以順上行嗣是為臨為泰天地交而上 馬坤變為震震非乾也而得乾之初爻一陽動於 下通皆於是乎始聖人貴陽故於其始而曰此天

多次四月全書 此月律黄鍾所以獨為萬事之根本也故曰動静 生太族為召生子推之他律旋相為宮生生不已 律管隔八相生以黄鍾生林鍾為律取妻以林鍾 元酒方淡太音正希之喻其尤可推驗者也即如 盡而一陽生為地雷復為冬至姤復循環無端而 改移之説尤可信矣若夫復之與姤一也聖人於 無端陰陽無始一日如是千歲如是所謂天心無 可見爾六陽蓋而一陰生為天風姤為夏至六陰

於六十四卦之中而體乾之聖人遵扶陽抑除之 漸其又烏容已乎哉 義内君子而外小人養其幾希之萌防其消長之 陽而不任陰乾元坤元總一生生不息之意充周 所望而猝然值之之謂也此又可見天地之心任 陽則內之故謂之復復反也剛德方長而幸其有 日進之勢馬於陰則外之故謂之姤好遇也本非 即院經史請義



欠已日日 上日 柳览經史講義 復其見天地之心乎 周易 支之首黄鍾為萬事根本大化無窮皆權與於此 天地之心王輔嗣云復者反本之謂益子為十二 臣謹按六十四卦象傳多言天地之情而復獨言 乃天地之心見且謂動息則静静非對動者也引 其說固為至善而其謂天地以本為心雷息地中 檢討臣萬松齡 七十二

金分口人 白雪 初九一交為卦之主陽動於下而以順上行陰翳 大天地無心以生物為心朱子本義云積陰之下 主之以静為見天地之心然復之為卦内震外坤 疏因釋之曰天地之動靜為其本動為其末暫時 名也而乃以寂然至無為復不與卦體有未合乎 潛消陽和點轉天地生生之機正在於動且象傳 而動止息則歸於静是其說專重於静而先儒多 **曰刚反曰刚長是復之為卦正以陽氣始生而得**

尺三日·日 · 一一 柳覧經史講義 常足以該静而乾元坤元實統亨利貞三德故當 無而兆隐於不可見及其動也聲希味淡陽回子 其静也生理中涵太和保合此時生物之心未嘗 静為體地統於天故静不能該動天包乎地故動 無改移正在於此而程予謂動之端乃天地之心 非體道之深不足與乎此也蓋天以動為體地以 此天命流行之初造化發育之始邻子所謂天心 陽復生天地生物之心幾息而至此乃復可見

金分四月百十 纵其一 惟聖人之心純亦不已無事於續若不可以復名 其心矣推而言之天地有復人心亦有復分而言 半生物之心亦非至是而後有而幾動於有可窥 於善賢人之心善不能無問而其復之也不遠馬 過此以往則資始者漸以流形資生者日以光大 之眾人有復賢人有復聖人亦有復眾人之心復 則觀察化源者直以為見其情之顯露而不曰見 一理渾然流行無滞至静之中寫至動之象

ここりこ ノンラ り 脚覧線史講義 心始者而造化分於一中經綸起於心上易學之 於坤而在下蓋聖神功化之極未有不自下學立 界相似而即可以見天地之心者見聖人之心抑 者一矣而其由静而之動則與貞元之交亥子之 客寂然不動猶天地之陰與静專静倉者一矣動 則圓神莫測感而遂通猶天地之陽與動直動闢 又觀伏羲大圓圖乾上坤下實居子午之中復次 則亦如天之行健固無時非復也故静則退藏於

| | | | | 大所以為萬世聖人之心法也與 |
|--|--|--|---|---------------|
| | | | - | |


剛健篤實輝光日新其德 り! ノンラ 一 即覧經史講義 程子曰以卦之才德而言也乾體剛健民體篤實 周易 之不已則其德日新也 賢所造或異要未有不自察其間修而克漸成於 臣謹按天下無無本之學亦無蹴至之功自古聖 人之才剛健篤實則所畜能大充實而有輝光畜 编修臣錢琦 七十四

銀足四母全書 者不可不精以專也大畜一卦內乾而外良乾有 慎厥身修思永湯則德日新矣而仲虺曰慎厥終 天德之剛自有天行之健艮有成始成終之敦厚 惟其始亦可知學問之功積而愈有所以致其力 文明温恭允塞禹則文命數于四海矣而皋陶曰 粹精之域者書之頌堯也曰欽明文思安安而必 自有時止時行之光明彖曰大畜剛健篤實輝光 曰克明峻德頌舜也曰重華協于帝而必曰濬哲

C.1912 ハイラ 一柳覧經史請義 宿則肚風積則厚故禁情異志亦足自安而存理 能决也知行之功非浮華所能盡也水畜則盛火 才大略亦足致用而去浮絕囂斷必出之以安敦 退欲斷必持之以果確而後德可日進於無疆雄 者貌合而神失均于德無補也然則畜德之君子 而後德可日臻於光大襲取者外强而中乾浮慕 日新其德其義可思矣今夫理欲之介非委靡所 何如周易首乾以其卦德之剛健也其象曰天行 支

多好四月百章 畜之者亦體艮以制事而已矣體乾以存心則不 實輝光也其象曰敦艮之吉以厚終也則其所以 屈於人欲不問於已私而我之所以自為者有主 所以履道者有方将英資之振厲既奮發於先而 體良以制事則不涉於浮游不淪於虚妄而我之 素履之敦慰復體驗於後如彼為山積久而萬矣 存心而已矣夏有連山其卦首艮以其卦徳之篤 健君子以自强不息則其所以畜之者亦體乾以

處而盡屬新機雖天道運行循環不息而進修無 止機者亦積累無止境所謂日新之謂盛徳者此 其徳益其所以用才者誠不可不審矣 **耳雖古克舜禹湯之所以立極於干古者又豈有** 净英華外發矣如彼樹木培植久而本根固枝葉 加於是也哉象之詞曰君子多識前言往行以畜 日茂矣向之所有踰時而見為陳迹今之所得觸 如彼掘井歷久而深矣如彼琢玉磨礱久而瑕疵



1 剛健寫實揮光日新其德 鄭汝諧曰此藴畜之大者 臣謹按盡性之學首在明德德賊於天為吾性之 所畜能大充實而有輝光畜之不已則其德日新 程子曰乾體剛健艮體篤實人之才剛健篤實則 周易 1.11 即覧理史講義 監察御史臣周祖祭 4+4

多定四库全書 應事則泰宇定而天光自發此安止之學所以達 行而無所息是其健聖人法剛健以存心則道心 明不掩是其輝光聖人用篤實以修身涵輝光以 之德二陰內止而氣不爲是其寫實一陽外見而 伸而人心退聽此自疆之學所以植性之體也艮 馬盖乾之他此乎天體而無所挠是其剛周乎天 觀或以大始艮以厚終終始相推而大畜之義著 固有尚自修者薄則無以縊之而德不明矣聖人 **卷**:

ここうこと 進而有得者言之則謂之新自其新而不已者言 息積累之久新機自生如泉本清也有以濬之而 於篤實自篤實以進於輝光則精進之深歲時不 大德何由新德既不新性何由復今自剛健以進 其源益潔鑑本明也有以拭之而其光益瑩自其 之偽於以清真未免心體漸狹措事失宜畜既不 不裕然無學以繼之則人事之私於以勝理物情 性之用也夫賦性之始其體未當不宏其用未當 一 印觉理之其美 ナナン

卸定四库全書 言嘗發進修之古而文王繫艮之彖於主靜立極 大者乎要之聖人之學初無二理夫子於乾卦文 致功者固有先後同揆者也如大學之云緝熙敬 板 閣然而日章盡性之功莫備於此豈非與蓄之 之則謂之日新蓋內外交養身心互用確乎其不 止中庸之云純亦不已篤恭不顯其亦與大畜彖 下學立心之始以至達天知命之候古聖人所以 之義尤為親切大畜之卦則無乾艮而備馬蓋自

| ここうこ 1.1 関一即党理史海夷 | | | | 傳之意有相為發明者與 |
|-------------------|--|--|--|------------|
| L. T. | | | | |

快定四車全書 · 你觉經史講義 君子以多識前言往行以畜其他 他者或指其一節之美或統舉其縣而規模小就 周固非專長海殖之可語也然必多識前言往行 有斐然成章之意若畜之大者體無不備用無不 周易 小者也多識前言往行以畜其德畜之大者也文 臣謹按易象小畜大畜俱以畜德言懿文德畜之 侍讀臣周玉章

能盡之其所言所行無不可為天下後世法又曰 體力行各有明效大驗此前言往行所以炳若日 星也詩言先民是程大猷是經書言學于古訓乃 從入之門先聖先賢垂之明訓以的示來學且身 有獲未子口要妙精微各有攸當惟古之聖人為 以聖賢之學觀聖賢之書人以私意自去求理去 主敬存誠不可勝數而其理欲辨晰之介與工夫 者何也古之修徳者曰存心養性曰遷善改過曰 人人已日10日人1日一一 仰吃經史講義 雜而不醇之處則其為畜也大矣曾子曰尊其所 靈明而擴充其話力使吾德不致有偏而不舉與 聞則高明行其所知則光大所聞所知能有外 流洞徹行之理無或遺而同異互參於以疏濬其 得其通百其處而仍一其致言之理無或遺而源 性安執復之不一經權常變之各殊觀其會而可 往行是却行而求及前人也而識之又貴具多者 聖賢之心尚逐然則欲畜其他而不取資於前言

多分口屋 台潭 首萃古聖賢之言行審端擇術設誠而致行之以 b 前言往行哉尊之行之又非特博聞强識而已益 聖帝明王以及修身砥行之士皆當從事於此者 之大耳至多識以畜德則固學問切要之功上自 天在山中無其事且無其理特取卦象以極言畜 馴致於高明光大之域而德之畜也何如乎若夫

天地養萬物聖人養賢以及萬民 D... 小節煙史請義 周易 才而一致者矣夫自兩儀定位覆載攸司物之負 陰抱楊者萬有不齊豈物之克自為養哉風雷動 無私者旁數下逮而民與物胥托命馬固有合三 以無心而成化帝王以得人而奏功咸本此至公 臣謹按頤之義取乎養非弟養其一身已也天地 納修臣喻煒

銀定四庫全書 性而靈蠢殊其施也本天親上本地親下洪纖隨 散六子效能寒暑往來五氣順布莫非為天地彰 天地萬物之功夫亦何所不至與雖然天地設位 其質而高下適具宜也資始資生不言而美利溥 養賢為先大聖人在上三綱正九疇敘五禮修六 而聖人成能故天地之大人猶有憾而聖人之德 其化育之施所以在天成象在地成形剛柔安其 加於四海要其風夜圖維所為念兹不置者莫如 **卷**,


又三日 E Las 學 柳覽經史講義 若矣而必亟必於養賢者其意果何為耶誠以四 為之承流而宣化者賢之於聖何以異是况賢者 **感有未過非得賢以共理雖復焦心勞思終不足** 海至廣也兆姓至果也博施則力有所窮獨施則 其宜而辨物居方之各得天地之養萬物實賴有 語於光天之治且夫崇效甲法王者之所以奉若 不違也温肅分其候而仁育義正之無施燥濕異 樂備郊馬而格廟馬而享固已百姓太和萬物咸 全

金分四月石雪 蔼蔼王多古人維天子命媚于庶人周禮大司徒 君王之賜也觀之書曰野無遺賢萬邦咸寧詩曰 分猷服采以熙庶績将見其於民也養其身尤及 匡居圖度其於康濟小民之計無不預籌惟待之 明倫型仁講讓斯出作入息莫不擊壞歌衢咸拜 其心而授田制産之有法重農積栗之有規建學 之大者自能調變經理以亮天工賢之小者亦能 以誠推之以澤量才度徳而界以治民之任則賢

欽定四庫全書 人 即覧級此请義 任使人以漸而用而出類之才則不以漸官以次 厥德本至公至明之識以招賢士並畜無收隨才 其養及萬民也必無是事矣是以聖王在上慎修 望恩為念而請命者或有內壅之憂所養非賢欲 庸碌者流居官竊禄才斬負垂而覆鍊贻譏朝廷 簡俊人以官之此其所以久安而長治也與後世 以恤百姓為心而施患者不無中飽之慮百姓以 以保息六養萬民可知古先帝王爱民之政不外

體天施地生之心擴民胞物與之量自有以挽氣 而同風悉基諸此養賢之典特急其先務耳有平 化之愆而合撰於清寧九州之内六合之外一道 故聖為繼述之宗子而賢為佐理之家相惟聖人 哉要之乾坤者萬物之父母聖其合德賢其秀也 戚将無所不除無我髦士非即所以惠我嘉師也 民之所謂休将無所不舉事之所謂病民之所謂 而升而切要之職則不以次如是則事之所謂

| 吹定四車全書 | | - | 則裁成就天下之書 |
|---------------|--|---|------------------------------------|
| 柳览歷史講義 | | | 則裁成輔相立賢無方而澤攸蒼生矣天下之責者誠能深悉乎頗之義而得養道之正 |
| <u> </u> | | | 文義而得養道 |




1):1 1 即電型史清義 聖人養賢以及萬民 養天下為急馬其以天下自養則玉食萬方而不 周易 以養萬物為心故聖人非徒以天下自養而必以 臣謹按聖人首出無物必以天地之心為心天地 而非勞也是豈必戸授之衣而人費之栗哉裁成 以為過也其以養天下為急則無一夫不被其澤 編修臣儲蘇趾 文文

|勐定匹庫全書 **鱼鱼同於鳥獸雖有相生相養之道而不能自為** 於天下養賢正所以養萬民也夫生民之初點首 聖人作養賢才與之共天位使之食天禄伴施澤 言之曰聖人養賢以及萬民善乎程明道之言曰 有養賢之義師益井皆有養民之義而頤卦則無 化育而後為養道之極功也易卦大有大畜門皆 其序馬通而普之無或遺馬益必至於參天地對 天地之道輔相天地之宜以左右民順而施之有

ここうえ 溺已饑之禹稷而後有日孜日對之鼻變此固財 而後即安馬是故有憂勞不倦之充舜而後有己 撫循聚無仰港恩汪滋無一民一物之流離失業 徼羣聚州處不能以一人之耳目過也為之選造 牛馬官室烹能之利次第以興馬而又恐山陬海 謀也有聖人者作然後仰觀俯察網兽耒耜舟楫 之所由以阜愠之所由以解而萬民之所由以熙 以升之等威以辨之禄精以優之期以尊宣德化 人二一国一印覧經史清義 イナ

多片四月全書 然則聖人之仁育必繼之以義正而後全猶之天 誅 賢馬則登而庸之見不賢馬仍復屏而斥之流放 地之春生必濟之以秋殺而後備馬爾後世惟蕭 陽間於其中必齧之而後合先王治獄之道存馬 不賢者即能罔上以病民聖人於此公聽並觀見 以頤之為卦與噬嗑相為表裏頤口中虛九四 殛之條與命官分秋之典每並行而不相悖 而皥皥也雖然反而觀之賢者能佐治以養民 巷 £

火三日日 白馬 神鬼經史前義 率土而為言也由蕭何之言可以知霸國之勝莫 體用各殊固木可以同年而語也 由頤卦之彖解可以識王道之大全意義差類而 不同公私恆異彼就蜀漢一隅言之此則以普天 何言養民致賢以圖天下意亦與此相類而大小



ここうこ こう 国 和短短史消義 象曰水溶至習坎君子以常德行習教事 象取重得義在克勤觀於內外皆坎得治已治人 之道由內遞及於外者進之漸而有序也修已無 程子曰德行當如水之有常教事當如水之海習 臣謹按水動機也進必以漸流而不息坎勞卦也 朱子曰治已治人皆必重習然後熟而安之 周易 監察御史臣周祖祭

多分四月五十 欺處是故本身以立教始而勞來 匡直繼以輔翼 量原在成已之中吾不能教人即是德行中有虧 徳者人所同具修德亦人有同心也聖賢成物之 於人不及見處力争絕續之交雖本體自覺惺然 處其或問也君子以常心注之平時敬義夾持能 措諸躬者謂之行本德以為行體驗者有據矣而 而日新又新檢身猶若不及則緝熙之學得矣而 及於人者功之習而不已也夫足乎已者謂之德

治人之法何獨於坎象而對舉其義乎編謂坎卦 遗者皆其無所不習也此內外無間而適協乎水 中實中實者誠也誠則無息而成已成物之道 将至之義者也又當思之六十四卦中皆言治已 方似猶執於一偏而未會乎立象之本古矣 以貫之觀象解有孚心亨一語首重立誠則知聖 其事詳矣又從而振德則功益客馬凡其無所或 人取象益本於此或謂常德行習教事為處險之 印寬理史清美 <u>ተ</u>

多定四库全書